

SARS E ANANELA TAELO YA LEKGOTLA E MABAPI LE MARK LIFMAN

PRETORIA, Labobedi la 11 Phuptjane 2019 – SARS e ananela kahlolo e dihlweng kgahlano le Mong. Mark Roy Lifman le bakopi ba bang ba 35 mane Lekgotleng le Phahameng la Dinyewe la Kapa Bophiriwa ka la 11 Phuptjane 2019.

Sena se latela kopo ya ho emiswa ha nyewe ke Lifman ho thibela SARS ho tswela pele ka mekutu ya ho bokella.

Ka 2015, SARS e ile ya qala ka mehato ya pokello kgahlano le Lifman, le ha ho le jwalo, yuniti e neng e sebetsana le diphuputso tsena e ile ya qhalwa ka 2016.

Kopo ya Lifman e ne e itshetlehile hodima kgopolotaba ya hore ho ne ho na le boemo bo ikgethang, moo SARS e ileng ya itlama ho lekola botjha mehato ya ka hare le ho boela e shebisisa hlahlobo e neng e ntshitswe. O boletse hore o ile a bolellwa sena ke oditara ya SARS ho tswa ofising e mane Cape Town.

SARS e netefatsa hore ketso eo ya oditara e ne e le e fosahetseng mme ebile motho eo o se a bile a sa sebeletse mokgatlong ona.

Lekgotla le Phahameng le ile la tiisa tsena tse latelang:

- Molao wa Taolo ya Lekgetho wa 2011 ha o bue letho ka tekolobotjha ya hlahlobo ho latela se boletsweng ka hara kopo;
- Metjha e amehang e mabapi le ho hanyetsana le hlahlobo e ntshitsweng ke SARS ka tsela ya diphelelo tsa Tharollo ya Kganyetsano, e ka hara Molao wa Taolo ya Lekgetho wa 28 wa 2011; mmoho le hore
- Ho bonahala ha kopo ya Lifman e batla ho sebedisa motjha ona hampe.

Kahlolo ena e dumella SARS ho tswela pele ka mehato ya pokello kgahlano le Mong. Lifman le bakopi bana ba 35.